



Sámi allaskuvla

Sámi University of Applied Sciences

PROGRÁMMAPLÁNA

**SÁMI VUOĐĐOSKUVLAOAHPAHEADDJEOAHPPU
1.-7. CEAHKKI**

Samisk grunnskolelærerutdanning for trinn 1-7

Sami Primary and Lower Secondary Teacher Education for Years 1-7

Saamelaisen peruskoulunopettajakoulutuksen luokkien 1-7

**5-jagi oahpaheaddjeohppu
(300 oahppočuoggá)**

Dohkkehuvvon Dutkan- ja oahppostivrras 13.09.2016, áššis 76/16. Sámegiel jorgalus oktan rievdadusáiguin dohkkehuvvon goahtejođiheaddji mearrádnusnotáhta bokte 21.06.18, Public áššenr. 18/00162-23. Rievdaduvvo goahtejođiheaddji mearrádnusnotáhta bokte 27.06.20, Public áššenr. 18/00162-67.

Oahppoprográmma namma:

Sámegillii: Sámi vuodđoskuvlaoahpaheaddjeoahppu 1.-7. ceahkki

På norsk: Samisk grunnskolelærerutdanning for trinn 1-7

In English: Sami Primary and Lower Secondary Teacher Education for Years 1-7

Suomeksi: Saamelaisen peruskoulunopettajakoulutuksen luokkien 1-7

Gráda namahus:

Sámegillii: Sámi vuodđoskuvlaoahpaheaddjeoahppu 1.-7. ceahkki master

På norsk: Master i Samisk grunnskolelærerutdanning for trinn 1-7

In English: Master of Sami Primary and Lower Secondary Teacher Education for Years 1-7

Suomeksi: Saamelaisen peruskoulunopettajakoulutuksen luokkien 1-7 masteri

Oahpahusgiella: Sámeigiella. Oahpahus ja lohkanmearit sáhtta maiddá leat skándinávalaš gielaide, suomagillii ja eangalagillii.

Eksámengiella: Sámeigiella. Dárogiella, suomagiella ja ruoŋagiella dáin giellafágain.

Viidodat: Oahppu lea 300 oahppočuoggá viidosas, ja oahppoovttadagat leat 30 oahppočuoggá lohkanbajis. Normerejuvvon studerenáigi lea 5 jagi.

Fágalaš ja hálddahuslaš ovddasvástáduš: Sámi oahpaheaddjeoahpuid ja álgoálbmotjournalistihka goahti.

Láidehus

Sámi vuodđoskuvlaoahpaheaddjeoahpu 1.-7. ceahki master lea fáttmasteaddji, profešuvnnalaš ja dutkanvudot oahpaheaddjeoahppu, mii addá gelbbolašvuođa oahpahit vuodđoskuvllas vuosttaš luohkás gitta čihččet luohká rádjái. Oahppu fáttmasta fága, fágadidaktihka ja hárrjehallama olles oahpu áigge ollisvuohtan organisašuvnnalaččat, struktuvrralaččat ja sisdoalu dáfus. Oahpu ulbmilin lea skuvlet oahpaheddjiid geain lea nana profešuvnnalaš gelbbolašvuohta, alla gelbbolašvuohta oahpu fágain ja vásáhusat hárrjehallamiin. Oahppu addá vuođu gelbbolašvuođu huksemii ámmátsuorggis.

Oahppu vuodđuduvvá sámi servodaga dárbbuide. Oahpu vuodđun lea sámeigiella, sámi kultuvra ja mánggabelat servodat. Oahpus deattuhuvvojit sámi oahppanoainnut, oahpahusvuogit ja sámi árbevirolaš bajásgeassin, mat heivehuvvojit skuvlla dálá ja boahpteáiggi dárbbuide. Oahpus lea váldodeaddu álgooahpahas. Duodji, juoigan ja muitaleapmi ja gulahallan eatnamiin čadnojuvvojit oahpu oktasaš fáddáohpahasii. Studeanttat ožžot máhtu álgoálbmotáššiin ja máhttet guorahallat kultuvrralaš relašuvnnaid kritihkalaččat. Oahpus oahpaheaddjestudeanttat ožžot reaidduid doaimmat oahpaheaddjin viiddis ja mánggabelat servodagas miehtasámi geahččanvuogi/ oaidninvuogi bokte.

Sisabeassangáibádusat

Geahča sámi vuodđoskuvlaoahpaheaddjeoahpu masterprográmma sisabeassangáibádusaid Norgga oktasaš sisaváldinvuogádagas (Samordnaoptak) dahje Sámi allaskuvlla ruovttusiiddus.

Dohkálašvuodaárvoštallan oazžut oahpposaji

Oahpaheaddjeoahpu studeanttain gáibiduvvo politiijaduodaštus. Duodaštusa galgá buktit 3 vahku sisa das go lea ožžon fáladaga oahpposajis. Duodaštus ii sáhte leat boarrásit go 3 mánu. Lea erenomáš dehálaš doalahit áigemeeriid. Duodaštus lea fámus 3 jagi.

Jus ohcci lea orron olgoriikkas, olggobealde Oarje-Eurohpá, USAs, Kanadas, Austrálisha, Ođđa-Selánda das dahje Japánas, guhkit go 3 mánu, de ferte oahpu álggus duodaštit ahte sus ii leat tuberkuloza.

Ulbmiljoavku

Ulbmiljoavkun leat studeanttat guđet háliidit šaddat oahpaheaddjin mánáidskuvllas ja šaddat álgooahpahusa áššedovdit. Oahppu addá maiddá vejolašvuoda doaimmat eará ámmáhiin nugo skuvlahálddahasas, diehtjuohkinbargguin, gulahallangaskkustemiin, rávesolbmuid oahpahusas ja skuvlajodiheaddjin.

Oahppanjoksosot

Sámi vuodđoskuvlaoahpaheaddjeoahppu gealbudahtta oahpaheaddji doaimmat hástaleaddji barggus mánggabealat ja rievddadeaddji servodagas. Sámi vuodđoskuvlaoahpaheaddjeoahpus lea erenoamáš hástalus heivehit unnitloguservodaga diehtovuogádaga našunálavuogádaga oassin. Oahppanjoksosot leat hábmejuvvon sámi vuodđoskuvlaoahpaheaddjeoahpu láhkaásahusa ja našunála njuolggadusaid vuodul. Sámi vuodđoskuvlaoahpaheaddjeoahpu 1.-7. ceahki masteroahpu čadaheami maŋŋá oahpaheaddjit leat álgooahpahusa áššedovdit. Go kandidáhtta lea čadahan sámi vuodđoskuvlaoahpaheaddjeoahpu, de son lea olahan visot oahppanjoksosiid mat sistisdollet erenoamáš máhtuid ja dieđuid, gálggaid ja oppalaš gelbbolašvuoda čuovvovaš máhttoviidodagain: fága máhttu ja vuodđogálggat, skuvla servodagas, etihkka, pedagogihkka ja fágadidaktihkka, jodiheapmi ja oahppanproseassat, gulahallan ja gaskkusteapmi ja rievdan ja ovdáneapmi.

Oahpu loahpas ja oahpu čadaheami maŋŋá galget studeanttat olahan čuovvovaš oahppanbohtosiid:

Máhttu ja diehtu:

Kandidáhtta

- lea olahan nana profešuvdnagealbbu sámegeielas, matematihkas, pedagogihkas ja oahppimáhtus ja eará oahpahus- ja skuvlarelevántafágain, digitálareaiduin ja erenomáš máhttu álgooahpahusas
- lea olahan máhtu sámi pedagogihkas ja sámi oahppanáddejumiiin
- lea olahan nana máhtu fágadidaktihkalaš, pedagogalaš ja eará fágaid relevánta teoriijain ja dutkanmetodain ja main erenoamážit sámi- ja álgobmotvuolggasajit leat guovddázis
- lea háhkan dieđuid ja doaladumiid maid vehkiin máhtta láhčit oahppandili nu ahte oahppit olahit buriid oahppanbohtosiid ja ohppiid gaskasaš oktavuodát doibmet bures
- diehtá ja dovdá skuvlii, oahpahussii ja mánáid vuogitvuodaide guoskevaš našunála ja riikkaidgaskasaš lágaid, soahpamušaid ja skuvlaplánaid
- lea olahan máhtu skuvlla servodatlaš rollas ja posišuvnnas ja oahppavaš organisašuvnna huksemis sámi servodagas
- dovdá ollislaš oahppomannolaga ja sirdašumi mánáidgárddis skuvlii ja mánáidskuvllas nuoraidskuvlii
- dovdá álgooahpahusa ja eará luohkkáčekkiid oahppaneavttuid ja prinsihpaid sihke oahppanproseassaid ja árvoštallan- ja kártenreaiduid
- lea olahan máhtu luohkkájodiheamis ja buori psykososiála oahppanbirrasa láhčimis

- diehtá, ahte mánáid ahtanuššamii ja oahppamii váikkuhit iešguđetlágan sosiála, mánggakultuvrralaš ja -gielalaš birrasat, ja mo daid váldá vuhtii oahpahusas ja dan heiveheamis
- lea olahan máhtu mánáin, geain lea váttis eallindilli dahje gillájit veahkaváldimis ja seksuálalaš illásteamis, ja mo skuvla sáhtta fuolahit sin dárbbuid ovttasbarggus mánáid ovdasteddjiiguin ja olggobeale áshusaiguin
- dovdá sámi árbevieruid ja mo daid sáhtta fievrridit skuvladoaimmaide ja oahppamii
- dovdá estehtalaš oahppanproseassaid ja -reaidduid
- lea háhkan dieđu ja máhtu suvdilis ovdáneamis ja dan váldimis vuhtii oahpahusas

Gálggat:

Kandidáhtta

- máhtta plánet, čadahit, árvoštallat ja suokkardallat okto ja ovttas earáiguin sierra luohkkácehkiid, fágaid ja fágaidrasttildeaddji oahpahusa dutkan- ja ovdánahttinvuolggasajiin
- máhtta analyseret ja geavahit gustovaš oahppoplánaid dieđalaš, vásáhusvuđot ja sámi árbevirolaš máhtuin
- máhtta lágideit ja jodihit girjás ja fáttmasteaddji oahppanbirrasiid ja dilálašvuodaid fágalaččat, sosiálaččat, estehtalaččat ja sámi árbevieruid vuodul
- máhtta lágideit, bagadallat ja suokkardallat mánggabealat ohppiidoavkkuid oahppama ja ovdáneami iešguđetlágan bargovugiid ja oahpponeavvuid mielde
- máhtta doarjut ohppiid gálgga árvoštallat iežaset oahppama ja ovdáneami ja máhtta álggahit dárbbalaš doaibmabijuid mánáid dárbbuid vuodul
- hálddaša digitála geavaheami ja máhtta bagadallat ohppiid digitála- ja mediageavaheamis
- máhtta atnit ja analyseret teorijaid ja dutkanbohtosiid ja heivehit daid skuvlaovdánahttimii ja ohppiid jurddašangálggaid ovdideapmái
- máhtta čadahit dutkan- ja ovdánahttinuoaimmaid
- máhtta hukset dásseárvosaš ja demokrátalaš oahppanbirrasa ja nannet ohppiid oassálastingálggaid
- máhtta ávkkástallat luonddu ja lagasbirrasa oahppanarenan

Oppalaš gelbbolašvuohhta:

Kandidáhtta

- lea háhkan profešuvnnalaš, ehtalaš ja ángiris oahpaheaddjeidentitehta, mainna čadaha oahpaheaddjefágalaš barguid suvdilis ja diđolaš vugiiguin
- lea háhkan nuppástuhttin- ja ovdánahttingealbbu, man sáhtta geavahit molsašuddi diliin oahppobirrasa huksemis ja bargobirrasa ja organisašuvnna ovdideamis
- máhtta ságastallat fágalaš gažaldagain ja hálddaša ámmátlaš giellageavaheami
- máhtta njálmmálaš ja čálalaš sámegeiela ja máhtta oahpahit sámegeilli ja riikkagilli
- máhtta hukset oktasaš searvelanja báikkálaš bargo-, servodat- ja kultureallimiin viiddis oahppanarenan

Sisdoallu

Sámi vuodđoskuvlaoahpaheaddjeoahpu 1.-7. ceahki masterprográmma sisttisdoallá álgooahpahusa, pedagogihka ja oahppimáhtu, njeallje oahpahusfága, dieđateoriija ja hárjehallama. Álgooahpahus lea 90 oahppočuoggá, pedagogihka ja oahppimáhttu lea 60 oahppočuoggá, sámegeiela 60 oahppočuoggá (oahpahusfága 1), matematihka 30 oahppočuoggá (oahpahusfága 2), dárogiella/suomagiella/ruotagiella 30 oahppočuoggá (oahpahusfága 3), ja dieđateoriija 10 oahppočuoggá, ja leat geatnegahtton buot

studeanttaide. Oahpahusfága 4 lea 30 oahppočuoggá välljenfága. Oahpahusfága 4 sadjai sáhttet studeanttat váldit skuvlarelevánta fága.

Oahpahusfágas lea skuvlafága mas lea didaktihkka ja hárbhallan. Skuvlarelevánta fága fas lea relevánta oahpaheapmái vuodđoskuvllas, muhto ii leat skuvlafága. Oahppoásahus árvvoštallá makkár fága dohkkehuvvo skuvlarelevánta fágan.

Pedagogihkka ja oahppimáhttu lea buot oahppoajagiin ja studerejuvvo bálddalagaid eará fágaiguin. 115 beaivve hárbhallan juhkko dássidit njealji vuosttaš jahkái. Njealját jagi lea guhkes hárbhallan ovtta lohkanbajis. Dán hárbhallamis lea vejolaš čohkket dutkanmateriála masterbargui.

Eará oahpahusfáogat ja skuvlarelevánta fáogat maid Sámi allaskuvla fállá áiggis áigái leat: Risttalašvuohta, osku, eallinoaidnu ja etihkka, Lášmmohallan, Duodji, Biebmu ja dearvvašvuohta, Duodji, juoigan ja muitaleapmi, Luonddufága, Servodatfága. Njealját oahpahusfága álgín eaktuda ahte dasa leat unnimusat 4 studeanta, sihkarastin dihte buori oahppobirrasa. Sámi allaskuvla sáhtta heivehit fágaid lágideami resurssaid ektui.

Studeanttaid masteroahppu šaddá integrerejuvvo álgooahpahusa ollisvuodas earret eará álgolohkama ja – čállima ja matematihka gažaldagain 1.-7. cehkiiin.

1.-3. oahppoajagit gohčoduvvojit syklus 1. Sámi allaskuvla sáhtta heivehit fágaid ortnega dárbbu mielde.
4.-5. oahppoajagit gohčoduvvojit syklus 2.

Oahpu ráhkadus

Álgooahpahus: Fágat Álgooahpahusa čiekŋudeapmi (25 oč), Dieđateoriija ja dutkanmetodat (15 oč) ja Masterbargu sámi vuodđoskuvlaoahpaheaddjeoahpus (50 oč)	90 oahppočuoggá
Pedagogihkka ja oahppimáhttu	60 oahppočuoggá
Oahpahusfága 1: Sámeigiella	60 oahppočuoggá
Oahpahusfága 2: Matematihkka	30 oahppočuoggá
Oahpahusfága 3: Dárogiella/suomagiella/ruotagiella	30 oahppočuoggá
Oahpahusfága 4/skuvlarelevánta fága: Válljenfága	30 oahppočuoggá
Oktiibuot	300 oahppočuoggá

Studeanttat čadahit juohke jagi 60 oahppočuoggá.

1. oahppojahki	Sámegiella 1. oahppojahki (20 oč) Matematihkka (15 oč) Dárogiella/ruotagiella/suomagiella (15 oč) Pedagogihkka ja oahppimáhttu (10 oč) Áiccadanhárjehallan 5 beaivvi Hárjehallan 15 beaivvi 1.-7. ceahkis Hárjehallan 5 beaivvi mánáidgárddis	60 oč
2. oahppojahki	Sámegiella 1. oahppojahki (10 oč) Sámegiella 2. oahppojahki (10 oč) Matematihkka (15 oč) Dárogiella/ruotagiella/suomagiella (15 oč) Pedagogihkka ja oahppimáhttu (10 oč) Hárjehallan 30 beaivvi 1.-7. ceahkis	60 oč
3. oahppojahki	Sámegiella 2 (20 oč) Pedagogihkka ja oahppimáhttu (10 oč) Oahpahusfága 4 (30 oč) Hárjehallan 30 beaivvi 1.-7. ceahkis	60 oč
4. oahppojahki	Pedagogihkka ja oahppimáhttu (20 oč) Čiekŋudeapmi álgooahpahussii (25 oč integrerejuvvon hámis) Diedateoriija ja dutkanmetodat (15 oč) Hárjehallan giđdat 30 beaivvi 1.-7. ceahkis	60 oč
5. oahppojahki	Pedagogihkka ja oahppimáhttu (10 oč) Pedagogalaš masterdutkanmuš mas lea deaddu álgooahpahasas (50 oč)	60 oč

1. oahppojahki studeanttat lohket pedagogihka ja oahppimáhttu 10 oahppočuoggá ja 20 oahppočuoggá sámegiela ja 15 oahppočuoggá matematihka ja 15 oč oahpahusfága 3:s.
2. oahppojahki studeanttat lohket pedagogihka ja oahppimáhttu 10 oahppočuoggá, sámegiela 20 oahppočuoggá, matematihka 15 oč ja oahpahusfága 3:s 15 oč..
3. oahppojahki studeanttat lohket pedagogihka ja oahppimáhttu 10 oč. (sistisdoallá dutkan- ja ovdánahttinbarggu), sámegiela 20 oč. ja 30 oč. oahpahusfága 4:s.
4. oahppojahki studeanttat váldet 25 oahppočuoggá čiekŋudeami álgooahpahasas ja 15 oč. diedateoriija ja dutkanmetodat ja pedagogihka ja oahppimáhttu 20 oahppočuoggá.
5. oahppojahki studeanttat čadahit masterbarggu 50 oahppočuoggá álgooahpahasas fáttás ja 10 oahppočuoggá pedagogihka ja oahppimáhttu.

1. lohkanbadji čakča	V1POM-1100 Sámi skuvla ja oahppan (10 oč)	V1SAM-1100 Álgolohkan- ja čállinoahpahas, giellaoahppa, mánáid- ja nuoraidgirjjálašvu ohta oahpahasas (20 oč)	V1MAT-1100 Matematihkka (15+15 oč)	V1DAR-1100 Dárogiella (15+15 oč)
2. lohkanbadji gidđa				<i>dahje</i>
3. lohkanbadji čakča	V1POM-1101 Oahppit, skuvla ja kultuvra (10 oč)	V1SAM-1101 Ovddidit vuodđogálggaid lohkamis, čállimis ja njálmmálaš giellageavaheamis, sámi njálmmálaš árbevierru oahpahasas (20 oč)		V1RUO-1100 Ruotagiella (15+15 oč)
4. lohkanbadji gidđa				<i>dahje</i>
5. lohkanbadji čakča	V1POM-2100 Oahpaheaddjin mánggabealat skuvllas ja servodagas (10 oč)	V1SAM-2100 Giellavariašuvnnat servodagas ja giellaoahpalaš čiekŋudeapmi (20 oč)	Oahpahasfága 4 (30 oč)	
6. lohkanbadji gidđa	(Dutkan- ja ovdánahttinbargu)	(Dutkan- ja ovdánahttinbargu)		
7. lohkanbadji čakča	V1POM-3100 Skuvla oahppavaš organisašuvdna (20 oč)	V1ALG-3100 Álgooahpahas čiekŋudeapmi (25 oč.)	V1DIE-3100 Diedateoriija ja dutkanmetodat (15 oč.)	
8. lohkanbadji gidđa				
9. lohkanbadji čakča	V1POM-3101 Dutki oahpaheaddji ja skuvlaovdánahttin (10 oč)	V1ALG-3110 Masterbargu sámi vuodđoskuvlaoahpaheaddjeoahpus (50 oč.)		
10. lohkanbadji gidđa				

Progrešuvdnagáibádus

Vai studeanttat sáhttet álggahit masterdutkanmuša ja ožžot nammaduvvon bagadalli, fertejit studeanttat čađahan dutkan- ja ovdánahttinbarggu (DoB) ja čađahan vuosttaš golmma jagi pedagogihka ja oahppimáhtu fága. Studeanttat galget čađahan juohke oahppojagi hárjehallamiid vai besset viidáseappot hárjehallamiidda. Bargogáibádusat galget leat čađahuvvon ovdal go studeanta beassá eksámeniidda.

Studeanttat galget oassálastit buot oahppanaktivitehtaide. Studeanta sáhtta jávkat oahpahusas 20%. Jávkán galgá dieđihuvvot dahje šiehtaduvvot ovddalgihtii, ja jávkanáiggi bargogáibádusaid galgá buhtadit.

Masterbargu

Masterbargu lea 50 oahppočuoggá viidosas ja lea iešheanalaš bargu. Studeanttat välljejit profeshuvdnafágalaš bargguset fáddán mas ovttaš teorijja ja praksisa. Dutkamusa empirijja sáhtta hánkejuvvot praksisa dutkamiin dahje das sáhtta leat eambo teorehtalaš oaidninvuohki. Dutkamuš čállo okto dahje guovtti studeantta joavkkus.

Dutkan- ja ovdánahttin

Oahpu čađa galgá leat dutkan- ja ovdánahttin oahpaheaddji barggu guovddážiis vai boahhtevaš oahpaheaddjit šaddet systemáhtalaš, suokkardeaddji ja dutki skuvlaovddideaddjit. Dutkan- ja ovdánahttin galgá geavatláččat doarjut oahpaheaddji didaktihkalaš doaimmaid vai sis livččii vuodđu ovddidit hutkás oahppanbirrasiid ohppiide. Dutkan- ja ovdánahttinbargu galgá leat vuodđun vai studeanttat nagodit čađahit iešheanalaččat masterbarggu. Dutkan- ja ovdánahttinbargu čađahuvvo metodakurssa ja seminára ja bagadallama vehkiin.

Oahppan-, oahpahus- ja árvoštallanvuogit

Searvelanjaid huksen, fágaid ovttasbargu, fágaid rasttildeapmi ilbmanemiid vuodul ja vásáhusoahppan leat oahpu lágideami vuolggasadjin sámi holisttalaš oaidninvuogi vuodul. Sámi eallinvugiid guovddážiis lea gulahallan ja birgen luondduin.

Studeantta jahkásaš bargonoađđin rehkenastojuvvo 1600 diimmu, oahppojagi guhkkodat lea 40 vahku ja vahku bargonoađđin lea 40 diimmu. Studeantta bargonoađđi doallá sisttis mánggalágan aktivitehtaide nugo logaldallamiid, fágaid studeantaaktiivvalaš bargo- ja oahppanvuogiid, bagadallama, profeshuvdna- ja bargosemináraid, joavkobargguid, hárjehallama, iehčanas bargguid ja eksámendoaimmaid. Fágaid sisdoalut, ulbmilat ja bargonoađđit bohtet ovdan fágaplánain. Buot fágat galget sisttisdoallat álgooahpahusa, heivehuvvon oahpahusa, árvoštallama ja vuodđogálggaid fáttaid.

Oahpu lágideapmi

Sámi vuodđoskuvlaoahpaheaddjeoahpu 1.-7. ceahki masteroahpahus lágiduvvo geabbilisoahppun, mii sisttisdoallá fágalaš deaivvemiid, neahttavuodot oahpahusa ja hárjehallamiid. Oahpus lágiduvvojit maid oahppomátkkit. Aktiiva oassálastin, studeanttaid ovddasvástáduš ja ovttasbargu leat oahpus guovddážiis. Gulahallanreaidu lea Digigiisá. Dohko čohkkejuvvot buot ohppui guoskevaš plánat, lohkanbadjeplánat, logaldallamat, bargobihtát, fágalaš ságastallamat, bagadallamat, studeantabarggut ja daid árvoštallamat. Formálalaš dieđut ja gulahallan lea Studentweb bokte Sámi allaskuvlla ruovttusiiddus. Jus lea eret

oahpahusas eanet go 20 proseantta, studeanta galgá buhtadit jávkama. Deaivvadeemiide ja neahttaoahpahussii galgá oassálastit. Deaivvadeemiin oktasaš ságastallan ja bagadallan lea guovddázis. Neahttaoahpahusas geavahuvvojit iešguđetge vejolašvuodát nu ahte maiddái sosiokonstruktiivva ja studeantaguovddázis oahppanoaidnu váldo vuhtii.

Studeanta guovddázis

Studeanttat galget oahpu áigge hukset dieđuid ja vásáhusaid profešuvdnarelevánta oahpahus- ja bargovugiid vehkiin. Erenoamážit studeantaaktiivvalaš bargovuogit leat guovddázis. Dákkár bargovuogit leat earret eará

- Logaldallamat ja refleksuvnnat válljejuvvon fáttáin, individuála fágagirijálašvuodálohkamat
- Sierralágan teakstabuvttadeamit ja bargočállosat
- Iešguđetlágan digitála oahpahus-, oahppan- ja gulahallanvuogit
- Iešguđetlágan čálalaš ja vásáhuslaš prošeaktabarggut ja daid ovdanbuktimat (indiviidalaččat ja joavkkuin) oktasaš seminárain
- Bagadallan ja oassálastin opponeantajoavkkuide ja studeanttaid vásáhusaid juohkin nuppi studentii
- Oahppomátkkit
- Hárjehallan
- Iešguđetlágan eará joavkodoaimmat

Studeanttat galget oažžut vásáhusaid bargovugiin mat geavahuvvojit vuodđoskuvllas nugo stoahkamis, musihkas, drámás ja eará kreatiiva ja estehtalaš ovdanbuktinvugiin.

Studeanttain vurdojuvvo iešheanalášvuohhta ja ahte sii oassálastet aktiivvalaččat oahppandoaimmaide. Oahpu iešguđet fágaid sisdoalut, oahppanjoksosat, bargogáibádusat, árvvoštallan ja lohkanmearit leat fágaplánain. Studeanttain lea oahpahusa olis vuoigatvuohhta geavahit girjerádjosa, interneahhta, bargolanjaid, oahpahus-, seminára- ja čoažkkinnlanjaid, luoikkahit teknihkalaš bargoneavvuidda ja govva- ja jietnastudioidda.

Digitála gelbbolašvuohhta

Oahpu áigge studeanttat ovddidit vuodđogálggaid digitála gelbbolašvuodas dan ektui mat leat digitála geavaheami gáibádussan skuvllaid plánain. Digitála gelbbolašvuohhta ulbmilin vuodđoskuvlaoahpaheaddjeoahpus lea ovddidit nana pedagogalaš ja didaktihkalaš digitála ipmárdusa; kandidáhtat galget šaddat digitálalaččat didolaččat ja gelbbolaččat geavahit ja árvvoštallat digitála reaidduidda oahppan- ja oahpahusdilálašvuohčain.

Hárjehallan

Hárjehallan lea unnimustá 115 beaivve. Das lea 5 beaivve hárjehallan mánáidgárddis mas lea deaddu sirdáseamis mánáidgárddis skuvlii. Árrat oahpu áigge čađahuvvo 5 beaivvi áiccadanhárjehallan.

Hárjehallan sisttisoallá bagadallama, árvvoštallama ja iešguđetlágan hárjehallanoahpu. Hárjehallan juhko njealji jagi badjel dássidit oanehut dahje guhkit áigodagaide jagiid mielde nugo lea progreshuvnna ja jahkodaga dihtii vuogas. Studeanttat hárjehallet 1.-4. ja 5.-7. ceahkiin. Hárjehallama bokte studeanttat oahpásmuvvet gáibádusaide ja hástalusaid, mat gusket oahpaheaddji ámmáhii. Hárjehallan integrerejuvvo fágaid ja fágaid doaimmaide ilbmanemiid bokte. Fágaid bargguin vurdo nana čanastat hárjehallamii.

Hárjehallan čađahuvvo čavga ovttasbarggus hárjehallanskuvlla jođiheddjiiguin ja hárjehallanoahpaheddjiiguin. Hárjehallan sáhtta leat iešguhtege hámis jogo dábalaš luohkkáhárjehallan, skuvlaadopšuvdnan dahje oahpásmuvvan skuvllaide ja mánáidgárddiide miehtá sámi hárjehallanmátkin. Unnimustá oktii galgá studeanta beassat čađahit lohkanjagi hárjehallama eará Davviriikkas.

Hárjehallamis galgá čađahit dutkanmateriála háhkama ovttasbarggus hárjehallanskuvllain. Dat sáhttet leat oanehis observeremat, videobáttit, jearahallamat dahje geahččaleamit. Empiriija hánkejuvvo masterdutkanmuššii ja eará guorahallamiidda.

Hárjehallanoahppu galgá ovdánahttit studeanttaid máhtu reflektet ja ovddidit iežaset doaibmama profešuvnnas hárjehallanskuvlla ja -oahpaheaddji bagadallama vehkiin ja ovttasbarggus allaskuvlla oahpaheddjiiguin. Studeanttaid gelbbolašvuodas ja gáibádusain praktihkalaš-pedagogalaš bargui ja dasa gullelaš reflektarendáidduin dáhpáhuvá čielga ovdáneapmi hárjehallamis nubbái. Juohke hárjehallama oktavuodas lágiduvvo fágaidrasttildeaddji deaivvadeapmi hárjehallama ovdal ja dan maŋŋil hárjehallan čađahuvvo dain skuvllain, maiguin Sámi allaskuvllain lea hárjehallansoahpamuš. Studeanttat galget ráhkadit hárjehallamii áigodatplánaid ja diibmoplánaid maid fágaoahpaheaddjit ja hárjehallanoahpaheaddjit dohkkehit.

Dárkilut dieđut hárjehallama birra leat hárjehallanplánas.

Árvvoštallanvuogit

Olles oahppomannolaga áigge studeanttat deaivvadit mánggalágan árvvoštallanvugiiguin, main geavahuvvojit sihke bustávvaárvosáni (A-F) ja árvosáni ceavzán/ii ceavzán. Hárjehallan ja geatnegahtton barggut, mat leat eaktun beassat eksámenii, árvvoštallojuvvojit cealkámušaiguin ceavzán/ii ceavzán dahje dohkálaš/ii dohkálaš. Kandidáhttii, guhte ii leat deavdán bargogáibádusa ja lea váras massit eksámenvejolašvuoda, galgá oazžut dieđu dán birra ovdal eksámena (gč. Sámi allaskuvlla eksámennjuolggadusaid).

Eksámenuogit sáhttet leat ovdamearkan čálalaš skuvlaeksámen, ruovttueksámen, máhppaárvoštallan, njálmmálaš eksámen, prošeaktabarggut, praktihkalaš ovdanbuktimat, dutkan- ja ovdánahttinbargu ja masterdutkanmuš.

Geahča fágaplánaid bokte dárkilut dieđuid árvvoštallamis.

Lohkanmearri

Fágagirjjálašvuolta ja diehtogáldut almmuhuvvojit fágaplánain. Girjjálašvuoda mearri variere dan vuodul makkáraš sisdoallu fágas lea. Geahča dárkilut dieđuid fágaid čilgehusain.

Internašunaliseren ja lonohallanstuđeanta

Sámi allaskuvla ovddida internašunaliserenprográmma iežas oahpposadjái. Studeanta sáhtta vuolgit eará oahppoásahussii Norggas dahje lonohallanstuđeantan olgoriikii. Vurdo ahte studeanta čuovvu dábalaš oahppoprogešuvnna.

Lea vejolaš vuolgit sihke čadáhít hárrjehallamiid ja lohkat fágaidd eará oahpposajiin. Lea sávahahtti ahte internašunaliserenáigodat livččii sáhttán leat ovdamearkan vuosttaš syklusa loahpas dahje nuppi syklusa álggus.

Oahppokvalitehta sihkkarastin

Sámi allaskuvla deattuha oahppokvalitehta, ja kvalitehta galgá oppa áigge leat guovddážiis. Studeanttat geat váldet sámi vuoddoaskuvlaoahpaheaddjeoahpu Sámi allaskuvllas galget oazžut buori ja relevánta oahpu ja vuodu doaibmagoahit oahpaheaddjin. Sámi allaskuvlla kvalitehtavuogádaga vuodul bargojuvvo systemáhtalaččat kvalitehtain, sihke sámi ja eamiálbmot perspektiivvas ja dábálaš majoritehtaservodatlaš perspektiivvas.

Oahppokvalitehta sihkkarastin ja nannen lea bargiid ja studeanttaid ovddasvástádus. Studeanttat sáhttet vuordit dieđuid oahpposidoaluid birra ja makkár fágaláš vuordámušat leat studeanttaide, omd. ahte dovdet fágaláš ja profeshuvnaetihkalaš vuordámušaid. Studeantaárvoštallamat galget leat objektiivvalaččat ja rievttalaččat. Studeanttat galget leat ráhkkanan ja oassálastit oahpahussii aktiivvalaččat, ovttasbargat earáiguin, doalahit áigemeeriid ja deavdit eará eavttuid, mat leat oahpus. Buot dát leat oassin oppalaš oahpaheaddji dohkálašvuodaárvoštallamis.

Kvalitehta nannemii leat čuovvovaš doaibmabijut:

1. Progresuvdnašiehtadus juohke studeanttain ja dan čuovvoleapmi
2. Bagadallan, ovttaskas- ja joavkobagadallamat
3. Oahpuid árvoštallamat, studeantaárvoštallamat ja fágaraporttat
4. Čoahkkimat luohttámušolbmiguin ja árvoštallančoahkkimat luohkáin.

Studeanttaid dohkálašvuodaárvoštallan

Oppalaš dohkálašvuodaárvoštallan lea ollislaš árvoštallan das, mo studeanta doaibmá oahpaheaddjin fágaláččat, pedagogaláččat ja olmmošlaččat ja persovnnaláččat. Dás čuovvut Sámi allaskuvlla oahppodoaimmaid kvalitehtagiehtagirjji kápihttal 13. Árvoštallamis guorahallo erenoamážit, leatgo studeanttas vurdojuvvo eavttut doaibmat oahpaheaddjin, mo son doaibmá oahppodilis ja mo ceavzá eksámeniin ja hárrjehallamiin. Dohkálašvuodaárvoštallan čuovvu juohke studeantta oppa oahppoáiggi, ja galgá sihkkarastit ahte studeanta lea árvoštallojuvvo ja dohkkehuvvon oahpaheaddjeprofešuvdnii. Dohkálašvuodaárvoštallan dahkko oppalaččat olles oahppoáiggi ektui. Dohkálašvuodačuoggát galget dieđihuvvot studeanttaide jeavddálaččat. Hárrjehallanáiggi lea hárrjehallanskuvllas ovddasvástádus lágideit ja jođihit oahpahusa, ja dalle lea hárrjehallanoahpaheaddji gii galgá láidestit hárrjehallama ja čuovvut studeantta dohkálašvuoda. Sámi allaskuvllas lea ovddasvástádus dohkálašvuodaáššiin. Sámi allaskuvlla, hárrjehallanskuvlla ja studeantta gaskkas galgá leat nana ovttasbargu.

Oahpu oahppoovttadagat

Bákkolaš oassi:
V1POM-1100 Sámi skuvla ja oahppan. Pedagogihkka ja oahppimáhttu 1. oahppojahki. 10 oahppočuoggá
V1POM-1101 Oahppit, skuvla ja kultuvra. Pedagogihkka ja oahppimáhttu 2. oahppojahki. 10 oahppočuoggá
V1POM-2100 Oahpaheaddjin mánggabealat skuvllas ja servodagas. Pedagogihkka ja oahppimáhttu 3. oahppojahki. 10 oahppočuoggá
V1POM-3100 Skuvla ja oahppavaš organisašuvdna. Pedagogihkka ja oahppimáhttu. 4. oahppojahki. 20 oahppočuoggá
V1POM-3101 Dutki oahpaheaddji ja skuvlaovdánahttin. Pedagogihkka ja oahppimáhttu. 5. oahppojahki. 10 oahppočuoggá
V1ALG-3100 Álgooahpahusa čiekŋudeapmi. 4. oahppojahki. 25 oahppočuoggá
V1DIE-3100 Dieđateoriija ja dutkanmetodat. 4. oahppojahki. 15 oahppočuoggá
V1ALG-3110 Masterbargu sámi vuodđoskuvlaoahpaheaddjeoahpus. 5. oahppojahki. 50 oahppočuoggá
V1SAM-1100 Álgolohan- ja čállinoahpahus, giellaoahppa, mánáid- ja nuoraidgirjjálašvuohta oahpahas. Sámegealla 1. oahppojahki. 20 oahppočuoggá
V1SAM-1101 Ovddidit vuodđogálggaid lohkamis, čállimis ja njálmmálaš giellageavaheamis, sámi njálmmálaš árbevierru oahpahas. Sámegealla. 2. oahppojahki. 20 oahppočuoggá
V1SAM-2100 Giellavariašuvnnat servodagas ja giellaoahpalaš čiekŋudeapmi. 3. oahppojahki. 20 oahppočuoggá
V1DAR-1100 Dárogealla. 1. ja 2. oahppojahki. 15 +15 oahppočuoggá <i>dahje</i>
V1RUO-1100 Ruotagealla. 1. ja 2. oahppojahki. 15 +15 oahppočuoggá <i>dahje</i>
V1SUO-1100 Suomagealla. 1. ja 2. oahppojahki. 15+15 oahppočuoggá
V1MAT-1100 Matematihkka. 1. ja 2. oahppojahki. 15 +15 oahppočuoggá
Válljenfágat:
V1ROEE-1140 Risttalašvuohta, osku, eallinoaidnu ja etihkka. 3. oahppojahki. 30 oahppočuoggá
V1LAS-1140 Lášmmohallan. 3. oahppojahki. 30 oahppočuoggá
V1DUO-1140 Duodji. 3. oahppojahki. 30 oahppočuoggá
V1BDV-1140 Biebmu ja dearvvašvuohta. 3. oahppojahki. 30 oahppočuoggá
V1DJM-1140 Duodjin, juoigan ja muitaleapmi. 3. oahppojahki. 30 oahppočuoggá
V1LUO-1140 Luondufága. 3. oahppojahki. 30 oahppočuoggá
V1SER-1140 Servodatfága. 3. oahppojahki. 30 oahppočuoggá